



**Quæstionum Canonicarum, In Quinque Libros
Decretalium, Tomus ...**

In Librum I. Decretrialium, Per quadraginta, & tres Titulos distributum, in
quo agitur De Constitutionibus, Seu Legibus universim ...

Krimer, Ferdinand

Augustæ Vindelicorum, 1706

Articulus III. De Filijs Presbyterorum legitimis, & illegitimis.

[urn:nbn:de:hbz:466:1-73031](#)

ARTICULUS III.

De Filiis Presbyterorum legitimis, & illegitimis.

2216.

Quæstio est 1. an filius illegitimus aliqui cuius Clerici, etiam solum in minoribus constituti, possit obtinere beneficium aliquod Ecclesiasticum? *R.* negativè ex c. 2. h. t. quod tamen accipe de Beneficio in Ecclesia, in qua Pater ejus ministravit; & si talis, tacito, quod esset ejusmodi Sacerdotis filius, rescripto Apostolico, ut in ea Ecclesia Capellanus existeret, in eo institutus est, non obstante tali rescripto, removendum esse; sic Alexander III. scribens ad Episcopum Licon. dum ait: ad præsentiam nostram accedens R. Presbyter, tacito quod esset filius Sacerdotis, impetravit à nobis, ut in Ecclesia, in qua Pater ejus ministravit, existeret Capellanus: idèoque mandamus, quatenus si tibi constiterit, quod memoratus R. sit in Sacerdotio genitus, & quod Pater in eadem Ecclesia ministravit: non obstantibus prædictis literis nostris, ipsum amoveas ab eadem. Similiter præsentium. c. 3. eod. exp̄lsc deciditur, filium Sacerdotis Ecclesie paterna præesse non posse; id, quod etiam dicitur c. conquerente, 4. eod. & c. cùm decorem, 15. eod. ibi: filijs Canonorum præbendas, in eisdem Ecclesijs, conferri non sinatis, quarum sunt Canonici patres eorum; sic Innocent. III. rationem redens: cùm indecorum sit, ut in Altaris officio, illegitimus filius, impudico Patri ministret, in quo Unigenitus DEI Filius eterno Patri, pro salute humani generis, victimatur. Hinc, si illegitimus, maximè filius Spurius, instituatur in Ecclesia, in qua institutus est ejus Pater, institutio non valet; & instituens à suis beneficijs suspenditur, ut dicitur c. ad abolendam. 16. eod.

2217.

Not. tamen 1. quod Episcopus, qui scienter contulit filio Sacerdotis illegitimo (ut notat Layman in c. veniens n. 1.) paternam Ecclesiam, exinde non possit illum removere per cit. c. veniens 5. h. t. si autem ignorans, possit illum in eadem permitti, donec in alia ei Ecclesia provideatur, unde honestè valeat sustentari? sic Alexander III. Ex hoc colliges 1. quod, si

Episcopus illegitimum Sacerdotis filium c̄ienter instituat in Ecclesia paterna, & facti poenitens, eum removeat, substituto altero, remotio non valeat, in penam facti contra sacros canones, jure ipsum privante potestate, faciendi talem remotionem; sic Layman in cit. c. veniens, n. 2. Hinc Colliges 2. quod superior, proprio facto contradicere, illudque oppugnare, aut rescindere, non possit, si illud (v. g. collatio beneficij) secundum substantiam, seu jure naturali subsistat, donec à Superiori rescindatur, ut colligitur ex cit. c. Veniens.

Not. 2. quamvis verum sit, quod ille. 2218. illegitimus, tacita inhabilitate sua, promotus ad beneficium Ecclesiae paternæ, Episcopo vitium natalium ignorante, removendus sit, ut dictum est; si tamen taliter promotus, pro gratia Papæ supplicet, eum esse tolerandum juxta c. veniens, donec alibi accommodetur; & hoc partim ex commiseratione, ne alimentis careat, praesertim, si jam sit in sacris ordinatus; partim in odium Episcopi, temerè illum promoventis, & mox factum retractantis; ne factum illud approbari videatur; sic Layman cit. n. 2.

Not. 3. ex suppositione, quod filius Sacerdotis, vel alias, illegitime natus, jam ordinatus sit, ei esse de Beneficio providendum, ut dicitur c. proposuit 6. h. t. Et ideo in tali casu præsentatus à Patrono, ad Ecclesiam patronatam, non potest ab Episcopo rejici ex eo, quod sit illegitime natus; quia, ut ibidem ait Alexander III. indignum est, quod postquam est in Subdiaconum ordinatus, omnino debeat beneficij Ecclesiastici provisione carere.

Not. 4. illegitimum posse præesse Ecclesie, in qua Pater ejus sine titulo ministravit, vel servivit, ut Vicarius temporalis, vel Capellanus amovibilis. Barbos. in c. Constitutus, 8. de fil. Presbyt. n. 2. & 3. & constat ex ipso textu cit. c. 8. ibi: si tibi constiterit, quod Pater ejus præfata Capella persona, seu perpetuus Vicarius, non fuerit.

Quæstio est 2. an filius Clerici, sed legitimus (nimis ex legitimo matrimonio genitus) possit beneficium Ecclesiasticum obtinere? *R.* quod non possit imēdiatè succedere in beneficio, quod Pater ejus obtinuit in titulum, & tanquam Reator,

2219.

ctor, vel Vicarius possedit, ut dicitur in c. 11. b. t. cuius ratio sumitur ex Tridentino sess. 25. de reform. c. 7. quia in beneficiis Ecclesiasticis, ea, quae præferunt speciem hereditariae successionis, sacris constitutionibus contraria sunt, per c. Apostolica 8. q. 1. Idem definitum est in c. Michaël. 13. eod. ubi dicitur Filium, non posse esse Vicarium perpetuum Ecclesie, cuius immediate parens Rector fuit; &, si Pater in aliqua Ecclesia Vicarius intitulatus fuit, non posse immediate post ipsum, filium eam Vicariam consequi. Et in hoc solum sumnum Pontificem posse dispensare, constat ex c. dilectus 17. eod. §. quo circa.

Not. tamen 1. legitimum filium Clerici posse succedere Patri in beneficio, quod Pater ejus prius obtinuit, si ei non succedat immediate; sed solum mediately, si scilicet inter Patrem, & Filium, post Patris obitum, intercessit alia persona, cui prædictum beneficium est collatum, ut constat ex c. Ex transmissa 7. h. t. Sic enim non Patris, sed huic personæ mediae Successor existit. Unde super hoc Alexander III. Archiepiscopo Cantuariensi, mandamus inquit, quatenus, se ita est (nimirum, si in beneficio ejus Ecclesie inter Patrem, & Filium media intercessit persona, cui prædictum beneficium est collatum) prænominatum Guil. ad prefatum beneficium admittere, non postponas, non ideo minus observato Apostolici rescripti decreto, quod successionem in Ecclesia DEI hereditariam detestatur.

Dixi Filium legitimum. Nam in hac materia triplex differentia singularis datur inter legitimum, & illegitimum presbyteri Filium. Prima, quia Filius legitimus, ac Pater ejus, in eadem Ecclesia, eodem tempore, possunt habere beneficium, ut constat ex cit. c. ad hec 12. b. t. non autem illegitimus, & Pater ejus, per c. Literis 14. b. t. quod expressè loquitur de illegitimo genito, etiam de uxore; & Concil. Trid. sess. 25. de reform. c. 15. ibi: Ut paterna incontinentie memoria à Locis DEO consecratis, quos maximè puritas, sanctitasque decet, longissime arceatur, non licet filiis Clericorum, qui non ex legitimo nati sunt matrimonio, in Ecclesijs, ubi eorum patres beneficium aliquod Ecclesiasticum habent, aut haberunt, quocunque, etiam dissimile be-

nescium obtinere, nec in dictis Ecclesijs quoquomodo ministrare; nec pensiones, super fructibus beneficiorum, quæ parentes eorum obtinent, vel alias obtinuerunt, habere. Quod si in praesenti Pater, & Filius, in eadem Ecclesia beneficia obtinere reperiantur, cogatur Filius suum beneficium resignare, aut cum alio permutare, extra Ecclesiam, intra trium mensium spatum; alias ipso jure eo privatus existat, & super iis quæcumque dispensatio surreptitia censetur.

Secunda est, quod Filius illegitimus, & Pater ejus, eodem tempore, in eadem Ecclesia, nec dissimilia beneficia obtinere possint; secus legitimus, & Pater ejus, ut dicitur in Trid. loc. cit. Tertia est, quod Filius illegitimus nec mediately possit in eodem beneficio succedere Patri suo; secus legitimus ex Constitut. Clement. VII. apud Gigant. de pensionib. q. 86. & Barbosam in cit. c. ad hec nu. 4. cum autem hoc decretum sit poenale, ac odiosum, extendi non debet ad nepotes talium Clericorum; sic Navarr. consl. 9. à nu. 9. de Fil. presbyt. & plures alij apud Barbos. in cit. loc. Trid. nu. 6.

Not. 2. Filium, etiam illegitimum, in administrando beneficio Ecclesiastico, quod obtinet, posse licet constituere Patrem suum, Vicarium merè temporalem; hoc enim nullo jure cautum est; sic Layman in c. Constitutus. 8. b. t. nu. 1. & textus solum loquitur de illegitimo, recipiente beneficium in Ecclesia, in qua Pater ejus beneficium habet, vel habuit; hinc, etiam Patrem non prohibeti, obtinere beneficium in Ecclesia, in qua ejus Filius habuit idem, vel quocunque aliud, etiam dissimile, tradunt Rebuff. in praxi benefic. tit. de dispensat. super defectu natal. num. 29. Fr. Emmam. in summ. tom. 1. c. 29. nu. 4. in fine; Vega part. 1. summ. c. 36. casu 18. Sayr. de censur. l. 7. c. 10. num. 44. & seq. Less. de institut. lib. 2. cap. 34. n. 91.

Not. 3. Filium Episcopi legitimū, promoveri posse ad Ordines, & in paterna Ecclesia beneficiari etiā quoad Ecclesiā, in quibus præsunt, vel præfuerunt genitores eotū, licet beneficium collatum Filio simile sit paterno; ut si Filius fiat Canonicus in eadem Ecclesia, in qua Pater ejus Canonicum habet; sic Rebuffus in praxi, tit. de dispensat. super defectu natal. Nam in hoc casu

casu non succedit Filius Patri, quando in eadem Ecclesia aliud, licet simile, beneficiū obtinet; & habetur in c. ad hæc, 12. h. t. ubi Clemens III. Archiepiscopo Cassel. ad quæstionem: *an à Pontificibus generati, valeant ad sacros Ordines promoveri, si scientiā fuerint, & morum honestate probabiles?* respondit: *sciat, Fraternitas sua, quod, si ex legitimo sunt matrimonio procreati, nec aliud Canonicum objiciat: licet possunt ad sacros Ordines ascendere, & in eisdem Ecclesijs, in quibus præsunt, vel præfuerunt genitores eorum, beneficium obtinere.*

Ex hoc conciliatur hoc capitulum cum c. ad extirpandas, ut scilicet cap. ad hæc, loquatur de Filiis legitimis, qui volunt præfici in eisdem Ecclesijs, in quibus eorum parentes obtinent, vel obtinuerunt aliud, vel simile beneficium, §. capit. ad extirpandas vero, loquatur pariter de filiis legitimis in eisdem beneficij successione voluntibus Patri; hoc enim in isto prohibetur; illud autem in altero conceditur; sic Felinus c. In nostra, de rescript. col. 3.

2226. Not. 4. Filium, quem Sacerdos post promissum continentiae votum ex uxore suscepit, absolutè loquendo, *legitimum esse*, consequenter hæreditariae successionis, aliorumque jurium capacem; cum ex vero matrimonio, & justis nuptijs natus sit. Nam matrimonium semel legitimè contractum nullo continentiae voto solvit; & si consummatum sit, nec professione Religiosa, ut diximus l. 4. ita Suarez D. 50. de Censur. S. 2. nu. 3. Sanchez de matr. D. 38. licet oppositum doceat Rebuff. in praxi, tit. de dispens. super defect. natal. nu. 4. & gloss. in c. Literas 14. h. t. V. not. unic.

2227. Not. ramen 5. licet talis filius legitimus sit, esse tamen *irregularē*, consequenter sine dispensatione Papæ, ad sacros Ordines, & beneficia Ecclesiastica promoveri non posse, ut colligitur ex c. Literas, 14. h. t. ubi dicitur, illegitimè genitum, etiam de uxore, sine dispensatione ad Ordines, vel beneficia promoveri non posse,

& hoc duntaxat sensu ejusmodi filium *illegitimum* esse docet Gonzalez in cit. c. Literas n. 3. nimirum *quoad Ordines, & beneficia Ecclesiastica* (non *quoad hæreditatem, & alia temporalia*) cum irregularitas ex defectu natalium proveniat ex illegitimitate canonica; addens: non esse novum, quod quis diversis respectibus habetur pro legitimo, & illegitimo, juxta c. per Venerabilem. *Qui Fil. sint legit.*

Not. 6. quamvis gloss. in c. ad hæc 11. h. t. V. Filij, neget nepotem in eodem beneficio immediatè succedere posse avo suo; rectius tamen sub distinctione affirmari ab Hostiensi in summa hujus Tituli, §. qui Filij. de successione facta Vivo Patre suo, non autem eo mortuo. Nam si succedat avo, vivo adhuc Patre, vitiatur tota ratio hæreditariae successionis, quæ in his prohibitionibus principaliter cavetur; secus, si Patre mortuo; quia tunc avo, est loco Filij. Si etiam Sylvester V. Beneficium. 3. q. 6. Layman in c. 2. h. t. n. 3. §. queritur secundo; quia in odiosis nomine Filij non venit Nepos. V. nu. 2223. Not. 7. Filium, illegitimè natum, vivente Patre suo, non posse recipi in Religionem, vel Monasterium, in quo Pater ejus professus est, ex Constitut. Greg. XIV. incip. Circumspecta, apud Quarantam in summa Bullarij, V. Monasteria; secus est, post mortem Patris, ut notat Rodriguez tom. 1. quæst. Regul. q. 13. nu. 6.

Not. 8. c. 2. h. tit. & decretum Trid. sess. 23. de reform. cap. 15. dicens *Filium Clerici, illegitimè natum, non posse obtainere beneficium Ecclesiasticum in Ecclesia, in qua Pater ejus ex officio ministravit;* imò nec pensiones super fructibus paterni beneficij; juxta Layman in cit. c. 2. nu. 3. etiam extendi ad Religiosos, ut ipsi, si à Clericis illegitimè geniti sint, ministrare non possint in seculari Ecclesia paterna; quia & in his militat ratio, ex qua procedit Tridentinum, ut p-
terna incontinentia memoria
à locis sacris aboleatur.

* *

QUA-

